

INFORMACIJE O PROCEDURI UPISA U PRVU GODINU STUDIJA MEDICINE (INTEGRIRANOG STUDIJA) NA MEDICINSKOM FAKULTETU UNIVERZITETA U SARAJEVU

Konkurs za upis u prvu godinu studija na Univerzitetu u Sarajevu raspisuje i objavljuje Univerzitet u Sarajevu, u najmanje tri dnevna lista na području Bosne i Hercegovine, na svojoj web stranici, kao i na web stranici fakulteta i akademija u sastavu Univerziteta.

Konkurs za upis studenata u prvu godinu studija uobičajeno se objavljuje sredinom mjeseca juna.

PRAVO UČEŠĆA NA KONKURSU ZA UPIS U I GODINU STUDIJA MEDICINE NA BOSANSKOM/SRPSKOM I HRVATSKOM JEZIKU

Pravo učešća na javnom konkursu imaju državljani Bosne i Hercegovine sa završenom četverogodišnjom srednjom školom.

Pravo učešća na javnom konkursu imaju i strani državljani sa stečenim odgovarajućim srednjim obrazovanjem, u skladu sa zakonom, međudržavnim ugovorima, koji obavezuju Bosnu i Hercegovinu.

Strani državljani su u obavezi, prije upisa u prvu godinu studija, izvršiti nostrifikaciju inostrane srednjoškolske diplome-svjedočanstva o završenom srednjoškolskom obrazovanju. Nostrifikacija se vrši u Federalnom ministarstvu obrazovanja i nauke, sa sjedištem u Mostaru.

Strani državljani, koji su stekli uslove za upis u I godinu studija, izuzetno se mogu upisati u prvu godinu studija i prije nostrifikacije srednjoškolskih isprava, ukoliko predoče dokaze da su iste dostavili na postupak nostrifikacije. Postupak nostrifikacije mora biti okončan najkasnije prije početka nastave u akademskoj 2017/18. godini.

DOKUMENTI KOJI SE PREDAJU NA KONKURS ZA UPIS U I (PRVU) GODINU INTEGRISANOG I I II CIKLUSA STUDIJA

- Zahtjev za upis, koji se preuzima na Medicinskom fakultetu Univerziteta u Sarajevu,
- Originalna svjedočanstva o završenim razredima srednje škole, završene u Bosni i Hercegovini u četverogodišnjem trajanju, odnosno nostrificirane odgovarajuće dokumente, za kandidate koji srednju školu nisu završili u Bosni i Hercegovini, prevedeni na jedan od službenih jezika u Bosni i Hercegovini,
- Originalna diploma o završenoj srednjoj školi,
- Izvod iz matične knjige rođenih,
- Uvjerenje o državljanstvu,
- Druge dokumente relevantne za utvrđivanje broja bodova po kriterijima za upis (bit će naznačene u tekstu Konkursa).

TERMINI ZA UPIS U PRVU GODINU INTEGRISANOG STUDIJA MEDICINE U AKADEMSKOJ 2017/18. GODINI

Rok za predaju prijava, za kandidate koji konkurišu za upis u I godinu studija definiše se Konkursom za upis studenata.

Pripremna nastava za polaganje prijemnog ispita na Medicinskom fakultetu Univerziteta u Sarajevu se organizuje sa početkom prve polovine mjeseca juna. Prijemni ispit za upis u I godinu integrisanog I i II ciklusa studija na Medicinskom fakultetu Univerziteta u Sarajevu se organizuje uobičajeno do 10. jula.

Upis primljenih kandidata, ukoliko se popuni lista u prvom roku, okončava se do kraja prve sedmice avgusta, a najkasnije do kraja treće sedmice mjeseca septembra.

PRIJEMNI ISPIT I PRIPREMNA NASTAVA ZA UPIS U PRVU GODINU STUDIJA

Medicinski fakultet Univerziteta u Sarajevu je kao uslov za upis u prvu godinu integrisanog I i II ciklusa studija utvrdio položen prijemni ispit, za sve kandidate koji konkurišu za sticanje statusa studenta i koji konkurišu za upis u prvu godinu studija Medicine na službenim jezicima u Bosni i Hercegovini.

Prijemni ispit se polaže iz oblasti Biologija, Fizika i Hemija. Prijemni ispit se smatra položenim samo ukoliko je kandidat položio i stekao najmanje 50% bodova po svakoj testiranoj oblasti.

Medicinski fakultet Univerziteta u Sarajevu organizuje pripremnu nastavu u trajanju od 60 sati, kojom se kandidatima omogućava da izvježbaju zadatke iz Zbirke zadataka za pripremanje prijemnog ispita. Pripremnu nastavu vode nastavnici Medicinskog fakulteta Univerziteta u Sarajevu sa Katedri za Biologiju, Fiziku i Hemiju.

Fakultet izdaje Zbirku zadataka za pripremanje prijemnog ispita, koja će biti dostupna u Biblioteci Fakulteta od 20. aprila 2017. godine. Način rangiranja kandidata za upis u prvu godinu I i II ciklusa studija je sastavni dio Odluke o kriterijima i mjerilima za utvrđivanje redosljeda prijema kandidata za upis u prvu godinu studija na Univerzitetu u Sarajevu, koji se objavljuje u Konkursu za upis studenata u I godinu prvog i integrisanog I i II ciklusa studija na Univerzitetu u Sarajevu.

CIJENE KOŠTANJA ŠKOLARINA I DRUGIH TROŠKOVA STUDIJA

Cijena Zbirke zadataka za pripremu prijemnog ispita sa potvrdom za probno testiranje iznosi 50,00 KM;

Cijena pripremne nastave iznosi 300,00 KM;

Materijalni troškovi prijemnog ispita iznose 100,00 KM;

Upis u prvu godinu studija, za studente čije troškove studija snosi Kanton Sarajevo, iznosi 300,00 KM;

Upis u prvu i naredne godine studija za samofinansirajuće studente (studenti koji sami snose troškove studija) iznosi 6 000,00 KM.

STUDIJ „MEDICINA“ NA ENGLESKOM JEZIKU

Medicinski fakultet Univerziteta u Sarajevu organizuje i studij Medicine na engleskom jeziku.

Informacije o proceduri upisa u prvu godinu studija Medicina na engleskom jeziku dostupne na linku [www.....](#)